



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr.60/01-11317/25

Kaçanik, 30.05.2025

PROCESVERBAL

Nga mbledhja e **V (pestë)** e rregullt e Kuvendit të Komunës Kaçanik për vitin 2025 (Legjislatura e shtatë), mbajtur me 30.05.2025. Mbledhja u mbajt në katin e tretë të objektit të komunës, në sallën e kuvendit, në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës ishin 26 anëtarë. Në mbledhje mungoj me arsye, Rustem Zenuni.

Nga Ekzekutivit i Komunës në mbledhje morën pjesë: Kryetari i Komunës-Besim Ilazi, Nënkryetari i Komunës-Sabedin Vishi, Drejtorët e drejtorive: Suhad Dullovi- DBPZHR, Qamil Stagova-DUKMM, Dardana Tafili-Dauti-DAP, Pranvera Loku-Zharku-DZHET, Bahri Selimi-DBF, Ramadush Osmani-DSHPE, Zahir Doda- DA, ndërkaq nga zyrtarët në kuadër të detyrave të punës ishin: Valdrin Dogani-Zyrtar Kryesor Financiar-ZKF, Fatlume Guri-Selimi-Zyra e Informimit, Mavije Murseli-Zyra e Kryesuesit, Makfire Malsiu-Zyra e KK.

Mbledhja monitorohet përmes Teleprezencës nga Vjosa Ahmetaj- zyrtare në MAPL. Mbledhja ka transmetim të drejtpërdrejtë.

Mbledhjen e kryesoj, Kemal Murseli- Kryesues i Kuvendit
Procesmbajtës, Makfire Malsiu - Zyrtare e lartë për punë të KK.

Kryesuesi i Kuvendit, Kemal Murseli: Se pari iu përshëndes të gjithëve, iu uroj mirëseardhje, konstatoj kuorumin, kushte pune me u mbajtur mbledhja ka, prezentë janë 26, me arsye mungon Rustem Zenuni. E hapi mbledhjen e pestë të rregullt të KK për vitin 2025, data 30 maj, me këtë:

REND PUNE

1. Aprovimi i Procesverbalit nga mbledhja e kaluar e Kuvendit të Komunës;
2. Propozim Vendim për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025;
3. Propozim Vendim për shpallje me interes publik të parcelës kadastrale 00515-1 në ZK Kaçanik;
4. Kërkesa e MBPZH për harmonizimin e Rregullores Nr. 02/2025 për taksa, tarifa dhe ngarkesa komunale, të Drejtoria për Bujqësi, Pylltari dhe Zhvillim Rural;
5. Kërkesa e MMPHI 3745-2/25 për Rishqyrtimin e Vendimit 01Nr.06-350/01-8267/25 për emërtimin dhe riemërtimin e rrugëve lokale, pas shqyrtimit të ankesave, kërkesave dhe propozimeve nga qytetarët e Komunës së Kaçanikut, të datës 29.04.2025;
6. Kërkesa e MMPHI 1359-2/25 për Rishqyrtimin e Vendimit 01Nr.104/02-3943/25 për miratimin e Planin Ndër komunal për Menaxhimin e Integruar të Mbeturinave për rajonin e Gjilanit dhe Ferizajt, të datës 27.02.2025.

Lidhur me rendin e punës, e hapi diskutimin:

z. Agim Mani: Të pika 6, në kuadër të shqyrtimit të materialit të kësaj pike, kam vërejtur se është paraqitur një gabim teknik, e cila ka nxjerrë në pah parregullsitë të mundshme në lidhje me vendimin e datës 24.12.2024, konkretisht vendimin për caktimin e lokacionit për deponimin e mbeturinave të ndërtimit dhe demolimit nga objektet ndërtimore -mbeturinat inerte. Në këtë

drejtim kërkoj sqarim nga zyrtarët, kryesuesi i KK dhe përfaqësuesit e ekzekutivit se çfarë konkretisht është bërë me vendimin e datës 24.12.2024. A ka pasur iniciativë nga MAPL për rishqyrtim të këtij vendimi. Nëse ka pasur, pse nuk e keni sjellë në KK për shqyrtim? Unë nuk e kam pa që është kthyer kjo pikë, por në këtë raport kjo pikë e rendit të punës e njerrë në pah edhe këtë.

Kryesuesi i Kuvendit: Jemi duke folur për rendin e punës, ndërkaq të pyetjet dhe kërkesat mund të trajtohet pyetja e juaj, për sqarim për vendimin e 24.12.2024 nga drejtori. Të pika 6, është materiali se për cilin vendim është fjala, ndërkaq se është gabim i ministrisë, e kanë pranuar edhe ata vet. Nëse ju kujtohet, e kam potencuar në KK, se vendimi ka ardhur për rishqyrtim të ligjshmërisë, por ka ardhur me vonesë. Zyrtarët e ekzekutivit të komunës kanë komunikuar me ministrinë, dhe përgjegjësia është e qartë se mbi kënd bie. Në qershor na vjen edhe raporti i performancës, aty i shohim se cilat vendime na kanë ardhur në rishqyrtim dhe koha kur kanë ardhur.

znj. Kadrije Lika-Troni: Në emër të grupit të anëtarëve të LVV dua të ndajë me ju disa shqetësime.

Kryesuesi i Kuvendit: Nëse keni diçka rreth rendit të punës, urdhëro. Mos kaloni në tema tjera, se jemi në rendin e punës.

znj. Kadrije Lika-Troni: Rendin e punës nuk e keni shtruar ende në votim, kështu që me dëgjoni të flas.

Kryesuesi i Kuvendit: Mos dilni në tema që nuk janë në rend pune.

znj. Kadrije Lika-Troni: Në seancën e kaluar, kur flisnim për çështjen e sigurisë në komunë, Kryetari i komunës-Besim Ilazi, që është edhe kryesues i KKSB, e lëshoj mbledhjen dhe i iku përgjegjësisë institucionale, me raportuar në KK para qytetarëve. Nuk pati guxim as përgjegjësi me u përballur me ne, aq me pak për qytetarët që presin siguri. Edhe me keq, u mbështet nga shumica e anëtarëve të pozitës për me lëshuar mbledhjen dhe duke i ikur debatit. Ndërkaq, ky veprim i pahijshëm i kryetarit, nuk u përfshi në procesverbal, transmetimi i drejtpërdrejtë i kësaj seance mungoj, e sot e asaj ditë nuk është transmetuar në faqen zyrtare të komunës dhe askush nuk jep sqarime për këtë. Kryesues, për pikat e rendit të punës, qytetarët nuk janë të informuar se çka kemi diskutua këtu. Qysh me vazhdua ne tutje këtu. Po ashtu, pyetjet tona të çdo seancë mbesin pa përgjigje, duhet t'i përsërisim 3-4 herë dhe prapë ngelin në heshitje. Nëse institucionet nuk janë transparente në llogaridhënie, atëherë çfarë mesazhi po iu japim ne qytetarëve? Prandaj, ne si LVV refuzojmë të legjitimojmë këtë lojë politike që përbuzë transparencën dhe llogaridhënien. Në shenjë proteste e lëshojmë këtë seancë.

Me këtë rast, shtatë (7) anëtarë të LVV, Agim Mani, Kadrije Lika-Troni, Bashkim Luma, Ernesta Krasniqi, Arta Avdiu, Burim Shehu, Naim Beça e lëshuan mbledhjen.

Kryesuesi i Kuvendit: Shtatë (7) anëtarë të LVV e lëshuan mbledhjen, vazhdojmë me punimet e mbledhjes, prezentë janë 19 anëtarë.

z. Kadri Krivenjeva: Edhe ju kryesues keni vërejtje, se KK e ka një rregullore, ku janë të përcaktuara rregullat për mbajtje të seancës, janë të përcaktuar minutat për folësit.

Kryesuesi i Kuvendit: Mundeni me dalë me udhëhequr mbledhjen, nëse mendoni se është ashtu. Pasi po e dini qysh me udhëheq mbledhjen, me tregoni qysh duhet me udhëhequr?

Kryetari i Komunës-Besim Ilazi : Janë të paarsyeshme vërejtjet e LVV, nuk mundesh me u kuptuar me ta.

Kryesuesi i Kuvendit: Nëse nuk keni mirëkuptim me dëgjuar njëri tjetrin, nëse nuk keni mirëkuptim me diskutua sipas rendit të punës, unë nuk mundemi me marrë askënd me nxjerrë jashtë, se përpara dal vet nga seanca.

znj. Ardita Rrahmani: Po kryesues, por po krijohet një standard i dyfishtë.

Kryesuesi i Kuvendit: Me tregoni atëherë si me vepruar?

znj. Ardita Rrahmani: Ju duhet me gjetur alternativën, jo unë. Unë nuk jam në pozitën e juaj që me iu treguar si me vepruar.

Kryesuesi i Kuvendit: Diskutime të tjera nuk ka, rendin e punës e shtroj në votim për aprovim dhe i njëjti u aprovua me njëzëri për. Prezentë 19. Në sajë të kësaj del konstatimi së Kuvendi i Komunës

Aprovoj

Rendin e punës prej 6 pikave.

1. Aprovimi i Procesverbalit nga mbledhja e kaluar e Kuvendit të Komunës;

znj. Ardita Rrahmani: Po e ritheksoj edhe njëherë, kritikën, për arsye se në një takim që kemi pasur ditë me parë, e kam vënë në theks, po e ritheksoj përsëri: Përse nuk është transmetua seanca e mbledhjes së kaluar, edhe pse gjatë seancës kemi kërkuar pse nuk po transmetohet seanca drejtpërdrejtë? Keni thënë se për shkak të disa problemeve transmetohet me vonë në Youtube, por kjo nuk ka ndodhur. Edhe në procesverbal nuk është përfshirë i gjithë diskutimi i seancës së kaluar.

Kryesuesi i Kuvendit: Transmetimi është rregulluar, me herët ka pasur pengesa, tani po me njoftojnë se është në rregull. Sa i përket procesverbalit, nëse pritni me u shënuar secila pikë dhe presje, është e pamundur, për shkak se nuk ka mundësi, ndërkaj nëse është hequr diçka qëllimshëm, mundeni me ngritur si shqetësim vërejtjen të sekretaria e KK. Në procesverbal mundohet me u përfshirë në vija të trasha në kuptimin e plotë ashtu si duhet, pa përjashtuar ndonjë pjesë që nuk mundet me u përfshirë. Ne kemi kontakte që kemi me sekretari të KK, nuk besoj se ka zyrtar me të përgjegjshëm për këtë çështje, qëllimisht nuk bëhet asgjë, por ato që duhet me u përfshirë, duhet të përfshihen në procesverbal. Atëherë, Procesverbalin e mbledhjes së kaluar e Kuvendit të Komunës e shtroj në votim për aprovim dhe i njëjti u aprovua pa ndonjë vërejtje konkrete, me 18 votë Për, Kundër votë nuk pati, Abstenoj Raif Kasa. Prezentë 19. Në sajë të kësaj del konstatimi se Kuvendi i Komunës

Aprovoj

Procesverbalin e mbledhjes së IV (katërt) e Rregullt e Kuvendit të Komunës, të datës 29.04.2025/Lënda:1Nr.060/01-8444/25.

Kryesuesi i Kuvendit: Konstatoj me kaluar në pozicionin e pyetjeve dhe kërkesave:

Pyetje dhe Kërkesa

znj. Ardita Rrahmani: I kam 3 pyetje për këtë mbledhje:

1. Kur do të filloni të shihni rrugën drejt urës së xhamisë së dëshmorëve si hapësirë ka nevojë për mirëmbajtje. Po flas për hapësirën rreth lumin nerodime, hapësirë e cila nuk është aspak e mirëmbajtur, ndërkaj kjo rrugë është tejet e frekuentuar nga qytetarët.

2. Sanimi imediat i rrugës së dëmtuar tek laura, në drejtim të lagjes Dushkajë dhe rrugës “Skënderbeu”, ETC dhe rrugës “Mukadeze Lika”. Ajo pjesë mund të jetë e INFRAKOS, por nuk e kam të qartë qëndrimin indiferent ndaj kësaj rruge. Qytetarët kalojnë çdo ditë me vështirësi në atë rrugë, e mos të flasim për automjetet, që dëmtohen çdo ditë gjatë kalimit nëpër atë rrugë.

3. Kur do të bëhet emërtimi i Palestrës sportive të qytetit, se ka kohë që në këtë KK është thënë se është në procedurë? Sa zgjasin procedura dhe çfarë janë ato procedura që zgjasin me vite? Jemi komuna e vetme që palestra sportive ende është e pa emërtuar.

z. Agim Çaka: 1. Hapësira e sipërme e QKMF, a menaxhohet nga QKMF? Nëse ajo hapësirë menaxhohet nga QKMF, pse ajo pjesë është e pambikëqyrur dhe e pa trajtuar mirë? Ajo pjesë paraqet një gjendje të pa menaxhuar mirë, apo të keq menaxhuar, aty ka mbeturina që i japin një pamje jo të mirë asaj pjese. Nëse ka ndonjë vendim nga KK ajo pjesë me u shfrytëzuar për diçka tjetër, është mirë me ditur, ose duhet me sjellë atë çështje përsëri në KK.

2. Në këtë kohë është aktuale çështja e rrezikut të qytetarëve nga gjarpërinjtë helmues. Pyetje: A është e furnizuar QKMF me vaksinë kundër helmit të gjarpërinjve? Këtë pyetje po e bëjë, për me ditur saktë se nëse ndodhë ndonjë rast, a ka vaksinë në QKMF që me u orientuar në QKMF? Nëse nuk ka vaksinë në QKMF, atëherë me u orientuar diku tjetër.

3. Pyetje për DSHPE: Gjendja në Bulevardin "Ismail Raka" është në gjendje të keqe, sidomos gjatë orëve të natës. Aty ka lëvizje të makinave, parkim të makinave, motor të parkuar, tavolina në trotuar, ka kanta të mbeturinave. A e keni ndërmend me rregulluar këtë çështje apo ka me vazhduar edhe tutje kështu?

z. Betim Shala: E kam bërë një kërkesë në mbledhjen e kaluar, për vendosjen e policëve të shtrirë në rrugën "Skënderbeu", për shkak se në njërën anën, pjesën me të madhe, trotuari është hequr, në anën tjetër është i ngushtë 60-80cm, rruga është midis dy shkollave, shkollës së mesme "Skënderbeu" dhe shkollës "Emin Duraku" në Dushkajë. A munden me u vendosur ato pengesa dhe nëse po, të intervenohet sa me shpejtë që është e mundur?

Kryesuesi i Kuvendit: Pyetje dhe kërkesat tjera nuk ka, kalojmë në pikën vijuese. Prezentë 18, nuk është Raif Kasa.

2. Propozim Vendim për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025;

Kryesuesi i Kuvendit: Materialin e keni marrë, në tabela janë dhënë qartë gjendja e mjeteve të mbledhura dhe të shpenzuara. Drejtori është këtu, nëse ka kush diçka, e hapi diskutimin: Para se me marrë fjalën dikush, fillimisht ia jap fjalën drejtorit të DBF, Bahri Selimi:

z. Bahri Selimi: Fillimisht e jap si sqarim se e kemi plotësuar Propozim Vendimin, i cili është shpërndarë tani juve nga Sekretaria e KK. Janë disa ndryshime që po bëhen nga ministria për çështje teknike të procedurave. Ju e dini që vitin e kaluar janë bartur mjetet automatikisht, ndërkaq na kanë dalë probleme në ekzekutim të buxhetit të vitit të kaluar. Tani një pjesë e mjeteve bartën në këtë vit buxhetor. Përpara, arsyetimet i jepnim në bazë të shkresave që i dërgonim në ministri, pas miratimit të vendimeve. Ndërkaq tani, kanë kërkuar që çdo arsyetim, të cekët në vendim. Këto ndryshime i kemi bërë dhe ua kemi sjellë tani materialin e korrigjuar. Ndryshimi nuk ka të bëjë në vlerat për bartje, por vetëm janë dhënë arsyetimet, se asnjë cent nuk ka ndryshuar nga propozim vendimi që e keni pasur më herët. Për pyetjet që keni, ju përgjigjem në vazhdim.

znj. Arlinda Rakoci-Raka: Pyetja ime është: Pse kjo shumë kaq e lartë e bartjes së mjeteve buxhetore, shuma mbi 1 milion euro?

z. Agim Çaka: Nuk e di nëse është gabim teknik, apo lëshim, të pika 2. shënon shuma e mjeteve të bartura të vitit 2023 në vitin 2025, është 409,873.41€, pastaj bartja e mjeteve nga viti 2024 në vitin 2025, është 623,167.70€. Ndoshta janë gabime teknike, por nuk është mirë me u lëshuar gabime të tilla. Nëse është shuma e bartur nga 2023-2004, atëherë i bien me u shënuar shuma totale 1,033,041.11€.

Kryesuesi i Kuvendit: Nuk janë gabime teknike, por kështu janë.

z. Bahri Selimi: Të HVK që tha Arlinda, janë shumë mjete të bartura, për shkak se inkasimi që bëhet në tre muajt e fundit, nuk mund të shpenzohen në atë vit. Në 2-3 vitet e fundit, komuna ballafaqohet me rrezikun apo sfida e mëdha që vijnë nga kontrata kolektive në arsim. Edhe aty tërhiqen mjete herë pas here në projekte kapitale, por ne fokusim e kemi me shpenzuar grantin qeveritar, i cili është realizuar gati 100% çdo vit. Të HVK jo që nuk mundemi me i shpenzuar nëpër kategori tjera, por është edhe si politikë e ruajtës së mjeteve, për me ruajtur stabilitetin financiar në vitin vijues. Kjo shumë e mjeteve 1,033,041.11€ të bartura, ndihmojnë tepër në këtë situatë, sepse vetëm në vitin e kaluar, janë shpenzuar mbi gjysmë milioni euro nga kontrata kolektive nëpër projekte, edhe pse janë projektuar, ndarë buxheti, janë tërhequr për kontratën kolektive të arsimit, në shumicën e projekteve apo mbi gjysmën e tyre. Të arsyetimi që e sjella, shumica e mjeteve të bartura, kanë të bëjnë me plotësimin e atyre ndarjeve buxhetore të mëhershme, të cilat janë ekzekutuar, e tani ne duhet me i plotësuar në tërësi. Të pyetja e Agimit, tani nuk po i bartim vetëm të HVK të vitit paraprak, por edhe të vitit 2023. Shumat e potencuar të bartura të vitit 2023 dhe të vitit 2024 janë në rregull.

z. Agim Çaka: Shuma e bartur nga 2023 deri 2024 është 409,873.41€, ndërkaq nga vitit 2024 në vitin 2025, janë 623,167.70€, që në total janë 1,033,041.11€. Nëse nuk shpenzohen këto mjete, llogaritën si mjete të vitit 2025.

z. Bahri Selimi: Agim, të pika 2, teksti në fund të pikës, mjetet që nuk janë shpenzuar të cilat janë bartur nga viti 2023 në vitin 2024, lejohet me u bartur në vitin 2025.

znj. Arlinda Rakoci-Raka: A ka përfunduar ekzekutimi i shpenzimeve të kontratës kolektive, pasi që çdo herë po lidhet krejt raporti financiar me kontratën kolektive?

z. Bahri Selimi: Drejtori i DA është këtu për sqarime me në detaje. Ekzekutimi i shpenzimeve sipas kontratës kolektive nuk ka përfunduar, janë diku edhe 2 milion euro obligime, borgji vazhdimisht po rritet. Kur vonohet ekzekutimi, janë shpenzimet e përmbaruesit, kamata etj. Ka vendime që janë në gjykatë, ato nuk mundemi me i shpejtuar edhe me i pasur mjetet, ndoshta mjetet kthehen, por ti nuk mundesh me i shpenzuar, se lënda është në gjykatë- në apel e ku ta di unë.

znj. Arlinda Rakoci-Raka: Si duket edhe vitin tjetër, kemi me u përballë me këtë problem?

z. Bahri Selimi: Ky vit dhe viti tjetër, kemi me pasur obligime, përpos nëse del ndonjë obligim tjetër.

z. Selajdin Troni: Drejtor, i pamë bartjet e propozuara, janë të specifikuara mirë në projekte, me kod të projekteve, si rrugë, kanalizime, ndriçim, trotuar, kështu që kjo është një punë e mirë që është bërë. Ju përgëzoj për punën që keni bërë. Ne po punojmë, nuk po sabotojmë, me këto paga të larta, kolegët tonë nuk janë asnjëherë me punuar për qytetarët tanë. Nga partia jonë PDK konfirmoj se këto bartje të mjeteve përkrahen.

Kryesuesi i Kuvendit: Diskutime të tjera nuk ka, e shtroj në votim këtë pikë dhe e njëjta u aprovua me 15 votë Për, Kundër votë nuk ka, Abstenim 2: Arlinda Rakoci-Raka dhe Betim Shala. Prezentë 17. Nuk është Kadri Krivenjeva. Në sajë të kësaj del konstatimi se Kuvendi i Komunës mori këtë:

VENDIM

Për bartjen e mjeteve vetanake të pashpenzuara nga vitet paraprake, në buxhetin e komunës të vitit 2025/Lënda: 01Nr. 104/02-11055/25.

3. Propozim Vendim për shpallje me interes publik të parcelës kadastrale 00515-1 në ZK Kaçanik;

Kryesuesi i Kuvendit: Drejtori është këtu, nëse ka kush diçka, e hapi diskutimin:

z. Selajdin Troni: Nëse ka mundësi me na dhënë sqarime të nevojshme, se nuk e kam të qartë për çka është duke u bërë u bërë shpallja e interesit të kësaj prone dhe a ka me u formuar ndonjë komision për këtë çështje?

Kryesuesi i Kuvendit: Kjo zonë ka me u shpallë interes publik, për me hapur një rrugë rreth ETC, të Xhamia e Dëshmorëve, ashtu qysh e ka potencuar drejtori në KPF. Drejtori është këtu, fjalën e ka drejtori i DUKMM, Qamil Stagova:

z. Qamil Stagova: Është fjala për një pronë prapa ETC, e cila me lagjen e Dushkajës kanë arritur një marrëveshje me pronarin e tokës Nasa Hollding, ai ka me bërë ndërtim të objekteve shumë banesore. Ne e kemi paraparë që para rregullimit të tyre, ndërtimin e një rruge në atë pjesë, që do t'na krijonte mundësinë me liru lagjen Dushkaja. Për me qartësuar, rruga është të ura e Aziz Bungut, në të djathtë, shkon drejtë, nuk vazhdon të vendkalimi hekurudhor, por vazhdon drejtë të ura të xhamia.

z. Agim Çaka: A ka probleme ajo pjesë me PZHK e vjetër, a ka qenë e paraparë me plan me u ndërtuar aty diçka tjetër?

z. Qamil Stagova: Me herët ajo pjesë ka qenë për Qendër rekreative sportive, por asaj prone iu ka ndërruar destinimi, kur u ndërtua qendra tregtare aty. Në bazë të ligjit për ndërtim dhe rregullores, ajo pjesë i plotëson kushtet qysh kanë objektet tjera në largësi 50 metra. Në anën tjetër të rrugës, kemi objekte në largësi edhe me të vogël.

znj. Ardita Rrahmani: Për derisa po parashihet me u bërë kjo rrugë, numri i qytetarëve që e shfrytëzojnë pjesën tjetër të rrugës, mundet me u rritur, se kemi numër të banorëve nga f. Runjevë që vijnë edhe këmbë. A parashihet me u bërë një urë për këmbësor dhe automjete të Xhamia e Dëshmorëve.

z. Qamil Stagova: Sigurisht, se rruga nuk do të jetë asnjëherë funksionale, pa u ndërtuar një urë aty.

Kryetari i Komunës: Aty parashikohet me u ndërtuar urë.

Kryesuesi i Kuvendit: Diskutime të tjera nuk ka, këtë pikë e shtroj në votim për aprovim dhe e njëjta u aprovua njëzëri. Prezentë 18. Në sajë të kësaj del konstatimi se Kuvendi i Komunës mori këtë:

VENDIM

Për shpallje me interes publik të parcelës kadastrale 00515-1 në ZK Kaçanik/ Lënda: 01Nr. 06-350/02-10931/25.

4. Kërkesa e MBPZH për harmonizimin e Rregullores Nr. 02/2025 për taksa, tarifa dhe ngarkesa komunale, të Drejtoria për Bujqësi, Pylltari dhe Zhvillim Rural;

Kryesuesi i Kuvendit: Në rregullore, nuk është përfshirë një taksë e DBPZHR, edhe të DSHMS ka qenë një gabim teknik, është gabuar ligji. E hapi diskutimin: Për diskutim nuk u paraqit kush, atëherë e shtroj në votim për aprovim dhe e njëjta u aprovua njëzëri. Prezentë 18. Në sajë të kësaj del konstatimi se Kuvendi i Komunës vendosi të,

HARMONIZOJ

Rregulloren Nr. 02/2025 e aprovuar me 29.04.2025 -për taksa, tarifa dhe ngarkesa komunale, të DBPZHR të neni 25 dhe të DSHMS, të neni 28/ Lënda: 01Nr. 104/02-8228/25.

5. Kërkesa e MMPHI 3745-2/25 për Rishqyrtimin e Vendimit 01Nr.06-350/01-8267/25 për emërtimin dhe riemërtimin e rrugëve lokale, pas shqyrtimit të ankesave, kërkesave dhe propozimeve nga qytetarët e Komunës së Kaçanikut, të datës 29.04.2025;

Kryesuesi i Kuvendit: Të ky vendim, ligjshmëria është kthyer, pasi është kërkuar që fillimisht lënda me shkuar në Agjencinë kadastrale për verifikim, pastaj me ardhur në KK për miratim. Drejtoria sa kam informacion, e ka dërguar në agjencinë, por nuk ka përgjigje ende për verifikimin e listës për emërtimin e rrugëve. Kështu që ne mund të shtyjme vendimin për mbledhjen vijuese, derisa të vjen vendimi nga Agjencia kadastrale. Vendimi duhet të pezullohet, deri me përgjigjen nga Agjencia kadastrale. E hapi diskutimin:

znj. Ardita Rrahmani: Ndoshta duhet me pezulluar vendimin, se në kalkulime që i bëra, jemi në 6 mujorin para zgjedhjeve. Nëse e shfuqizojmë, vendimin e lëshojmë në zero, kështu nuk ka nevojë me shfuqizuar, por e shtyjme deri me marrje të përgjigjes.

Kryesuesi i Kuvendit: Duhet me kërkuar interpretim edhe njëherë, se edhe 6 mujori para zgjedhjeve, nuk është bash i specifikuar për me marrë vendime të kësaj natyre.

Kryetari i Komunës: Unë jam me shtyrë vendimin deri me marrjen e një përgjigje nga Agjencia kadastrale.

Kryesuesi i Kuvendit: Përpos kësaj që është kërkuar me u dërguar në agjenci, nga ministria edhe disa vërejtje tjera (i lexoj vërejtjet e theksuara në vlerësim të ligjshmërisë), besoj drejtori i ka analizuar.

z. Qamil Stagova: I kanë pasur parasysh, se kemi qenë në kontakt me Agjencinë kadastrale të Kosovës, skicat janë dërguar në agjenci. Kërkesën e kam adresuar në Agjencinë kadastrale të Kosovës.

Kryesuesi i Kuvendit: Në kërkesën e ministrisë, thuhet se mungon skica e formës së rrugëve.

z. Qamil Stagova: Për rrugët të cilat janë emërtuar, janë dërguar skicat në Agjencinë kadastrale.

Kryesuesi i Kuvendit: Diskutime të tjera nuk ka, a jeni që vendimi të Pezullohet deri në kthimin e përgjigjes nga Agjencia kadastrale e Kosovës? Njëzëri votuan të gjithë Për. Prezentë 18. Në saje të kësaj del konstatimi se Kuvendi i Komunës mori këtë:

VENDIM

Për PEZULLIMIN e Vendimit 01 nr.06-350/01-8267/25 të datës 29.04.2025 për emërtimin, riemërtimin e rrugëve lokale pas shqyrtimit të ankesave, kërkesave dhe propozimeve nga qytetarët e komunës së Kaçanikut/Lënda: 01Nr. 104/ 02-11566/25.

6. Kërkesa e MMPHI 1359-2/25 për Rishqyrtimin e Vendimit 01Nr.104/02-3943/25 për miratimin e Planin Ndër komunal për Menaxhimin e Integruar të Mbeturinave për rajonin e Gjilanit dhe Ferizajt, të datës 27.02.2025;

Kryesuesi i Kuvendit: Drejtori është këtu, me ka njoftuar me tel. se e kanë arritur një harmonizim me ministrinë për me trajtuar vendimin. Para se me hapur diskutimin, fjalën e ka drejtori i DSHPE, Ramadush Osmani:

z. Ramadush Osmani: Plani ndër komunal për menaxhimin e mbeturinave është një proces i ri, edhe për ministrinë ka qenë një sfiduese sesi me vepruar. Ne kemi pasur takim edhe me përfaqësues të zyrës ligjore të MAPL dhe MMPHI, për arsye se ka një diskrepancë të madhe

me vendimin që po marrin. Ne si komunë nuk kemi dashur të kontestojmë afatin ligjor, sepse edhe vendimi për shqyrtim të ligjshmërisë ka ardhur pas afatit ligjor, është dërguar në MAPL me 5 mars. Ajo që duhet me u diskutuar, jemi në kontakt edhe me GIZ- kompani e angazhuar për përgatitjen e këtij plani, ka të bëjë me të gjeturat teknike, të cilat janë përmirësuar, mirëpo pjesa që MMPHI e konteston është afati i debatit publik, të cilën ne si komunë kemi qenë brenda afatit ligjor prej 15 ditëve, për shqyrtim të këtij dokumenti, që është e rregulluar me ligj dhe rregullore. Këta kanë kërkuar që vlerësimit i ndikimit në mjedis për këtë plan, të shqyrtohet përmes ligjit për ndikim në mjedis, që është 30 ditë me qenë dokumenti në faqe të komunës, pastaj me dhënë ministria pëlqimin për këtë plan. Si KK ju vlerësoni se: A duhet të shfuqizojmë apo të ngrijmë derisa të kryejmë procesin të gjitha komunat për VSM. Nga 1 qershori jam i detyruar të publikoj edhe një herë VSM për këtë plan, 30 ditë do të qëndroj dokumenti në faqe të komunës, ku do të mbajmë debatin pse e kemi diskutuar se është plan ndër komunal dhe ka mundur të mbahet vetëm një debat publik për të gjitha komunat, por për mos me komplikuar shumë punën, jemi detyruar që nga qershori fillojmë me çështjen e vlerësimit të ndikimit në mjedis, pastaj dokumentin e sjellim për miratim edhe njëherë në KK.

Kryesuesi i Kuvendit: Nëse ka me ardhur edhe njëherë në KK, e shfuqizojmë, pastaj pasi të kryeni procedurat e nevojshme, e bini në KK për miratim. Nëse e pezullojmë, ne nuk kemi nevojë me trajtuar me. E hapi diskutimin:

z. Ramadush Osmani: Nuk është problem, nuk me pengon edhe nëse nuk shfuqizohet, se merret një vendim në mbledhjen kur ofrojmë lëndën.

z. Agim Çaka: Për mua është shqetësuese për vendimet që po na kthehen me shumë vërejtje nga ministria, se këto nuk janë vërejtje teknike të vogla, por vërejtje bukur të rëndësishme. Kjo të bënë me kuptuar se kur po hartohen këto vendime, dikush nuk është i përgatitur mirë për përpilimin e atyre vendimeve. Nisur prej të parës, po shihet se legjislacioni sekondar nuk është në përputhje me legjislacionin primar, nuk është në përputhje me aktet e ndryshuara. D.m.th dikush nuk po i përcjellë ndryshimet e akteve ligjore e nënligjore që po ndodhin, si KK po mbesim pa i marrë do vendime të rëndësishme për qytetarët e këtij vendi dhe për interesin e tyre në përgjithësi. Vërejtja është se kur po bëhen këto vendime, ai që po merret me përgatitjen e tyre, nuk është i përgatitur sa duhet.

z. Ramadush Osmani: Ato janë vlerësime të një anëtarit të KK. Ky dokument, është dokument i përbashkët i 12 komunave dhe është model i përbashkët dhe përmbajtjesor për 12 komuna dhe është i mbështetur nga ekspert dhe kompanisë së angazhuar nga GIZ për hartimin e tij. Grupet teknike kanë asistuar nga secila komunë. Të gjitha komunave iu ka kthyer kështu blanko, me të njëjtin tekst "kopi paste". Nuk desha me dalë të ajo që e potencoj me herët anëtarit të KK, por ku është serioziteti i kësaj ministrie, sepse në këtë vlerësim të ligjshmërisë, shkruan, shqyrtimi i ligjshmërisë për planin ndër komunal, ndërkaq në arsyetim shkruan për një vendim krejt tjetër. Kjo tregon sa është serioze ministria dhe sa dinë. Tjetra, KK miraton akte komunale dhe shkojnë në ministri për vlerësim të ligjshmërisë. Vlerësimi i ligjshmërisë nënkupton: A kam pasur unë të drejtë si komunë me strategjinë e Kosovës me marrë këtë hap apo jo? Ndërkaq ata kanë shqyrtuar lekturën, çështje teknike, por nuk jemi duke u marrë me ato. Jemi në proces të ri, duhet të iu përshtatemi kërkesave që janë apo nuk janë në pajtim me të. Po e ritheksoj edhe njëherë, dokumenti është i hartuar nga ekspert të jashtëm, këto të gjetura i përmirësojmë dhe vazhdojmë.

z. Agim Çaka: Këto janë vërejtje të ministrisë, jo të miat. Nëse ju mendoni se unë jam kundër këtij vendimi që mundemi me penguar këtë proces, e keni gabim. Sa për mua, dërgoni përsëri kështu vendimin, por nuk kalon. Për atë unë po themi se, ata ministrisë kanë gjetur vërejtje dhe janë kompetente me dërguar vërejtje.

z. Ramadush Osmani: Atë që theksove që dikush po i bënë këto vërejtje, unë ju tregova se kush është ai.

z. Agim Çaka: Edhe ligji mundet me qenë i keq dhe i papërshtatshëm për qytetarët, por përderisa është ligj në fuqi, ai duhet me u respektuar.

Kryesuesi i Kuvendit: Ne e kemi sjellë me Shfuqizuar, përndryshe nuk e kishim sjellë hiq në KK. Diskutime të tjera nuk ka, atëherë e shtoj në votim për aprovim këtë pikë dhe e njëjta u aprovua njëzëri. Prezentë 18. Në sajë të kësaj del konstatimi se Kuvendi i Komunës mori këtë:

VENDIM

Për Shfuqizimin e Vendimit 01Nr.104/02-3943/25 të datës 27.02.2025 për miratimin e Planin Ndër komunal për Menaxhimin e Integruar të Mbeturinave për rajonin e Gjilanit dhe Ferizajt, të datës /Lënda:01Nr. 104/02-10165/25.

Kryesuesi i Kuvendit: Për fund iu jap një, Njoftim: Ne e kemi ftuar një trashëgimtarë të drejtpërdrejtë të familjes së Skënderbeut, që të jetë me 4 qershor në Kaçanik, ku do të mbajmë një mbledhje në sallë të KK me këtë datë, në ora 11:00. Kushdo që ka shprehë vullnet, mundet me marrë pjesë. Ai është tani studiues dhe gazetar i njohur italian. Ai ka me bërë një prezantim të gjeologjisë së familjes Skënderbeu, në periudha prej kohës së Skënderbeut deri ma tani. Ai ka me marrë pjesë edhe në ceremoninë e diplomimit të maturantëve të gjimnazit 'Skënderbeu'.

Diçka tjetër për këtë takim nuk pati, Kryesuesi i Kuvendit e konstatoj mbledhjen të përfunduar në ora 11:54. Nga 27 anëtarë të KK, në mbledhje ka munguar me arsye 1 anëtar, shtatë 7 anëtarë të LVV (Agim Mani, Kadrije Lika-Troni, Bashkim Luma, Ernesta Krasniqi, Arta Avdiu, Burim Shehu, Naim Beça) e lëshuan mbledhjen në të gjitha pikat, ndërkaq anëtari Raif Kasa doli nga mbledhja në ndërkohë- duke filluar me pikën 2. Deri në fund të mbledhjes qëndruan 18 anëtarë.

Procesmbajtës
Makfire Malsiu

Makfire

Kryesues i Kuvendit
Kemal Murseli



REGJISTËR I ANTARËVE TË KUVENDIT TË KOMUNËS
(të zgjedhur në votimet e datës 17 Tetorit 2021);

Nga Mbledhja e V (pestë) e Rregullt e Kuvendit të Komunës për vitin 2025, mbajtur me 30.05.2025

1. Kemal Murseli,
2. Brahim Imishti.....,
3. Hamide Luma,
4. Kadri Krivenjeva,
5. Lirije Dema.....,
6. Rrustem Zenuni.....,
7. Edon Baftiu,
8. Selajdin Troni,
9. Fatmir Bunjaku,
10. Bashkim Krasniqi,
11. Florina Lika-Vishi,
12. Lejla Muhaxheri-Çaka.....,
13. Agim Mani,
14. Kadrije Lika-Troni,
15. Burim Shehu,
16. Naim Beça,
17. Raif Kasa,
18. Ernesta Krasniqi.....,
19. Bashkim Luma,
20. Arta Avdiu,
21. Ardita Rrahmani,
22. Besnik Salihu,
23. Betim Shala.....,
24. Arlinda Rakoci-Raka.....,
25. Edona Luzha.....,
26. Ekrem Livoreka.....,
27. Agim Çaka......



Drejtoria e Shërbimeve Publike dhe Emergjencave

Kaçanik, 26.06.2025

**Për: Anëtarët e Kuvendit: Ardita Rrahmani,
Agim Çaka,
Betim Shala**

Lënda: PËRGJIGJE

Të nderuar,

Më lejoni t'ju përgjigjem dhe të japim sqarime zyrtare lidhur me pyetjet/kërkesat tuaja, të parashtruara në mbledhjen Kuvendit të Komunës, më datë, **30.04.2025**, të cilat ndërlidhen me detyrat dhe përgjegjësitë e Drejtorisë së Shërbimeve Publike dhe Emergjencave.

znj. Ardita Rrahmani

1. Kur do të filloni të shihni rrugën drejt urës së xhamisë së dëshmorëve si hapësirë ka nevojë për mirëmbajtje. Po flas për hapësirën rreth lumin nerodime, hapësirë e cila nuk është aspak e mirëmbajtur, ndërkaq kjo rrugë është tejet e frekuentuar nga qytetarët.

2. Sanimi imediat i rrugës së dëmtuar tek laura, në drejtim të lagjes Dushkajë dhe rrugës "Skënderbeu", ETC dhe rrugës "Mukadeze Lika". Ajo pjesë mund të jetë e INFRAKOS, por nuk e kam të qartë qëndrimin indiferent ndaj kësaj rruge. Qytetarët kalojnë çdo ditë me vështirësi në atë rrugë, e mos të flasim për automjetet, që dëmtohen çdo ditë gjatë kalimit nëpër atë rrugë.

- *Komuna e Kaçanikut ka të lidhur marrëveshjen për mirëmbajtjen e hapësirave të gjelbëruara ku përfshihen pozicione dhe lokacione të ndryshme në zonën urbane të qytetit. Edhe dy shëtitoret përgjatë lumit Nerodime, segmenti nga "Ura e Hazirit" deri te Xhamia e Dëshmorëve janë të përfshira në marrëveshje. Te këto dy shëtitore intervenohet me kërkesën e menaxherit të kontratës duke u bazuar në nevojën dhe arsyeshmërinë e intervenimit ku përfshihet kositja e barit, largimi e mbeturinave, mirëmbajtja e drunjve dekorativ, etj.)*
- *Në kryqëzimin rrugëve "Skenderbeu", "Emsale Frangu" dhe rrugës "Ismajl Raka" segmenti ka ETC-ja është intervenuar në vazhdimësi në sanimin e gropave të krijuara me shtresë zhavorri. Projekti "Rehabilitimi i linjës hekurudhore Fushë Kosovë-Hani Elezit" është ende në implementim e sipër nga kompania e kontraktuar italiane GCF (Generale Construzione Ferroviarie) që mbikqyret drejtpërdrejtë nga Infrakosi sh.a. Meqë akoma nuk janë finalizuar punimet e kësaj linje dhe ky lokacion është në trasenë e linjës hekurudhore, nuk mund të ndërhyjmë dhe të intervenojmë shtrimin e rrugës me material tjetër (asfalt, kubëza apo beton).*

z. Agim Çaka:

Pyetje për DSHPE: Gjendja në Bulevardin "Ismail Raka" është në gjendje të keqe, sidomos gjatë orëve të natës. Aty ka lëvizje të makinave, parkim të makinave, motor të parkuar, tavolina në trotuar, ka kanta të mbeturinave. A e keni ndërmend me rregulluar këtë çështje apo ka me vazhduar edhe tutje kështu?


- *Shqetësimet e ngritura nga ana juaj nuk ndërlidhen me përgjegjësitë e DSHPE-së. Qështjet e ngritura nga ana juaj ndërlidhen me kompetencat e policisë dhe inspektoratit komunal*

z. Betim Shala: E kam bërë një kërkesë në mbledhjen e kaluar, për vendosjen e policëve të shtrirë në rrugën “Skënderbeu”, për shkak se në njërën anë, pjesën më të madhe, trotuari është hequr, në anën tjetër është i ngushtë 60-80cm, rruga është midis dy shkollave, shkollës së mesme “Skënderbeu” dhe shkollës “Emin Duraku” në Dushkajë. A mundën me u vendosur ato pengesa dhe nëse po, të intervenohet sa më shpejtë që është e mundur?

- *Kërkesa juaj për vendosjen e policëve të shtrirë në rr. “Skenderbeu” do të implementohet përmes kontratës “Rregullimi dhe mirëmbajtja e sinjalizimit horizontal dhe vertikal” në lokacione të analizuara nga zyrtarët e fushës përkatëse.*

Ju falenderojmë për bashkëpunimin tuaj!

Me respekt,



Ramadush Osmani
Drejtör i DSHPE-s



Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal Kacanik

Kaçanik 26.06.2025

Lënda : Përgjigje lidhur me pyetjen e z.Agim Çaka, në mbledhjen e datës 30.05.2025

z.Agim Çaka, A është furnizuar QKMF me vaksinë kundër helmimit të gjarpërinjëve? Këtë pyetje po e bëj për me dit sakt se nëse ndodhet ndonjë rast, a ka vaksinë në QKMF, me i orientu në QKMF, ose nëse nuk ka në QKMF me i orientu diku tjetër.

Përgjigje : Me serum(vaksinë) kundër kafshimit të gjarpërit është e furnizuar vetëm Klinika Infektive, kurse asnjë QKMF nuk furnizohet me vaksinën kundër kafshimit të gjarpërit. Deri në vitin 2004 QKMF është furnizuar me vaksinë kundër kafshimit të gjarpërit trevalente(trellojsh) por që nuk kanë qenë adekuat për llojin e gjarpërinjëve që frekuentojnë tek ne dhe ato nuk janë përdorur fare. Zakonisht të ne kur ndodh kafshimi e merr ndihmën e parë dhe dërgohen menjëher në Klinikën Infektive dhe aty e merr vaksinën. Që nga viti 2004 Ministria e Shëndetësisë nuk e ka paraparë që të furnizohen QKMF-të me këtë serum(vaksinë).

Drejtori i DSHMS
Sali Malsiu